

मन्नै पाटे लत्ते देख संतरी,
निर्धन का मान घटाया स,
जाके कह दो कृष्ण तं,
तेरा यार सुदामा आया स ॥

मैं सुँ अणखी एक ब्रह्मण,
ना चाहूँ खाणा,
मिश्राणी की जिद में पड़गया,
घर त पैर उठाणा,
बेसक घर में टोटा हिरदा,
प्यार का भर क लाया स,
जा क कह दो कृष्ण तं,
तेरा यार सुदामा आया स ॥

मन्नै भिखारी ना बोल: तुँ,
कर थोड़ा सा सत्कार मेरा,
उसने बैरा पाट: गा जब,
छौ में होवे यार मेरा,
जाणु सुँ मैं आछी ढाला,
बचपन साथ बिताया स,
जा क कह दो कृष्ण तं,
तेरा यार सुदामा आया स ॥

मैं जाणुं इस भेष में मेरा,

ठीक नहीं था आणा,
गोकुल का वो राजा स,
पर मेरा यार पुराणा,
माणस की के पार बसावः,
भक्त ने नाच नचाया स,
जा क कह दो कृष्ण तं,
तेरा यार सुदामा आया स ॥

राम रमीरी कर ल्युं थोड़ी,
भीतर जा बतादे न,
मेरा आणा सफल होवः, मन्नै,
मेरा यार मिलादे न,
आर.के गौरा खेड़ी प,
संतां की छतर छाया स,
जा क कह दो कृष्ण तं,
तेरा यार सुदामा आया स ॥

मन्नै पाटे लत्ते देख संतरी,
निर्धन का मान घटाया स,
जाके कह दो कृष्ण तं,
तेरा यार सुदामा आया स ॥

प्रेषक

राकेश कुमार खरक जाटान(रोहतक)

9992976579

Source:

<https://www.bharattemples.com/jake-keh-do-krishna-se-tera-yaar-sudama-aaya-se/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>